

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Deutsche National-Litteratur

historisch-kritische Ausgabe

Das Drama der Reformationszeit

Gengenbach, Pamphilus

Stuttgart, [1894]

Scena V

[urn:nbn:de:bsz:31-326640](https://nbn-resolving.org/urn:nbn:de:bsz:31-326640)

[57^a]

Satanas. Klugling.
Mordman.
Scena V.

Satanas:

2420 Babsts haut! wer het sich des verfehn,
Das uns so wol het sollen gehn!
Ich hab nu fort kein zweivel nicht,
Es sey mitn Christn ausgericht!
Wie meint jr? Wie gefelt euch dis?

Mordman.

2425 Was solln wir mein? Es ist gwis:
Zur schalckheit findt geschickte Man,
Werdn gwis allen fleis keren an,
Das sie beid uns und in nutz schaffen!
So wolln wir gleichwol auch nit schlaffen.

Satanas:

So thut jm, und zieht jmer hin!

Klugling:

Wo wiltu, das wir sollen hin?

Satanas:

2430 Babsts haut! du fragst wol und bist klug!
Ich acht: die zwen sind geschickt gnug,
Das sie Europa nemen ein;
Zieht jr weil auff Asia hinein
[57^b] Und trachtet darnach auch fortan,
2435 Wie jr mdgt komn jnn African.
Ein jeder thu sein fleis dabey,
Das kein rein lahr auff Erden sey!